

Da: QUESTO MATRIMONIO SI FARA' ...SALVO BRAVATE!

rivisitazione in chiave comico-brillante

del romanzo "I promessi sposi" di Alessandro Manzoni.

Riduzione teatrale in 2 atti trasposta in vernacolo sampietrese e portata in scena dalla Bottega di Teatro & Altro "A Via Nova" di S. Pietro in Guarano.

testi e musiche di Aldo Mazza

anno 2006

CANTASTORIE

OVERTURE 2° ATTO

La rumanza continuannu cunta ppue ca li due ziti
de 2 bravi d'ù spagnuolo ppe na sira su inseguiti.
Ara casa `e Lucietta chissi vanu all' arrobare
ma `un trovanu cchjiu a nuddru ca su juti a sse spusare.

Ma i guagliuni povarieddri ce rimintenu la faccia
pecchi `u prievite fifune de la casa sua le caccia

2. Astramente ca scuntienti se ricoglienu ara casa
chiru monacu decisu cce cunsiglia n'atra cosa
de fujire aru cchjiu priestu Rienzu addre nu parente
Lucietta sventurata chiusa dintra nnu cummentu
Cca canusce na signora ca ppe forza l'hau vestuta
e parrannu cce cumbessa ca pur' iddra è sventurata

PARLATO:

*U Marvaggiu c'ha circatu d'arrobare a guagliuna,
circa aiutu a n'atru prepotente ca i gienti chiamanu <`u Senza Nume>
Iddru a porta aru castieddu sue
Ma sentiennula chiangere e supplicare se pente e decide d'a liberare.*

3. La cunnana de lu cielu pue un trica ad arrivare
disperati su li gienti can `un puotu cchjiu campare.
Senza pane e ccu la peste iddri un tenenu cchjiu scampu
na tempesta senza fine porta muorti ntra nu lampu
U Marvaggiu `ntra lu liettu circa de se cumbessare
i guagliuni mo cuntienti puotu jire a sse spusare

4. Chissa storia vecchia assai senza inganni v'hau cuntatu
ve ringraziu a tutti quanti si m'aviti ndringuliatu.
Si ve pare ca cca inddra ppe ra giustizia un cce speranza
un ve spagnati cchiu de tantu pecchi chissa è na rumanza.